

Daihroek Geiz Daengx Guek Minzcuz Yijvwnz Fanhoiz Gungh-coz Yezvu Guzgan Gauhgiz Yenzsiuhbanh Swnhleih Gezyez

第6期全国民族语文翻译工作业务骨干高级研修班顺利结业

Bonjbauq siusik (gicej Veiz Yennaz) 6 nyied 4 hauh lajbyonghngoenz, Daihroek Geiz Daengx Guek Minzcuz Yijvwnz Fanhoiz Gunghcoz Yezvu Guzgan Gauhgiz Yenzsiuhbanh gezyez yizsi youq Sihnanz Minzcuz Dayoz gawjhengz. Guekgia Minzvej Gyaunuz Gohgiswh fusinzsiyenz Anh Cinghbingz, Sihnanz Minzcuz Dayoz yaucangj Cau Sinhyiz, fuyaucangj Sahmajlahyi camgya hoih gezyez yizsi.

Sahmajlahyi daibyaup yozyau guh gangjavah, de hoh gyoengq yozyenz swnhleih vanzcwngz le hagsib beizyin yinvu.

Daihroek Geiz Daengx Guek Minzcuz Yijvwnz Fanhoiz Gunghcoz Yezvu Guzgan Gauhgiz Yenzsiuhbanh

dwg youz Yinzliz Swhyzn Caeuq Sevei Baujcanbu、Guekgia Minzvej lienzhah gawjbanh. Daengx ban gungh miz 50 boux yozyenz, gyoengqde daj daengx guek 14 aen sengl gih daeuj, miz Mungzgujcz、Cangcz、Veizvuzwcz、Hahsahgwcz、Cauzsenjcz、Yiczcz、Bouxcuengh、Dungcz、Veiczcz、Duj-gyahcz、Buyihcz、Vajcz、Lahhucuz、Bouxgun daengj 14 aen minzcuz.

Geiz yenzsiuhbanh neix, gangigoq neiyungz gig lai, miz minzcuz cwngcwz、minzcuz yijvwnz cwngcwz、minzcuz yijvwnz fanhoiz lijun、gigiuj nem ginghyen. Gingvagh hagsib, gyoengq yozyenz engq laeg rox le minzcuz cwngcwz dangj raeuz, swhsiengj cwngei suciz caeuq yezvu naengzlig cungj ndaej daezsang.



▲ Gwnz hoih gezyez yizsi.

► Gyoengq yoz-yenz Gvangjsih youq seiz roengzdangz guh daujlun.



Gih Raeuz 28.1 Fanh Boux Gaujswngh Camgya Gauhgauj

我区 28.1 万考生参加高考



▲ Ndaw gaujczangz Bingzsiengz Si Gauhcungh, gyoengq gaujswngh cingq nyinhcaen guh daez.

6 yied 7 hauh, 2013 nienz gauhgauj hainduj lo, bineix daengx guek miz 912 fanh boux gaujswngh bauqmingz camgya gaujsi. Gih raeuz bineix miz 28.1 fanh boux gaujswngh camgya gauhgauj. Gicej youq Nanzningz Si aen gaujdenj ndeu raen daengz, gyoengq hagseng youq gaujsi gaxgonq, cungj dox gujli gyayouz, ceng gauj aeu cingzci ndei.

(Sinhvazse)

Fouxwzgyauz “Foux Haeuj” Ndaw 《Foux Seiogyaiq》Cunghyangh Densidaiz

白裤瑶风情舞蹈“舞进”央视《舞蹈世界》

Ndwen gonq 25 hauh, Nanzdanh Yen Dungzloz Yisuzdonz 35 boux yezyiz yenjyenz youq ndaw yienhsingz lienh diuq fouxwzgyauz 《Diuz Vunjbap Gyaundeide Ndeu》, baez lienh diuq neix dwg baez ceiq laeng ndeu lo. 28 hauh, gyoengq yenjyenz yisuzdonz neix couh bae Baeking camgya Cunghyangh Densidaiz luzci aen lanzmoeg daegbied 《Foux Seiogyaiq》 haenx.

《Diuz Vunjbap Gyaundeide Ndeu》dwg Nanzdanh Yen boux vwnzyi gunghcozcej gag biensij gag daujyenj, bouxyienj dwg youz boux cungniengz caeuq bouxlaux gyoebbaenz. Gij fouxwzgyauz baijyienj le Nanzdanh Yen Bwzgyauz buhvaq minzcuz vwnzva. Nanzdanh Yen Bwzgyauz minzcuz buhvaq vwnzva ndaej senj haeuj guekgia feihvuzciz vwnzva yizcanj baujhoh mingzloeg.

(Fuz Lungzgyangz)



Gveilinz:Lwgnyez Youq Gwnz “Daizfoux Beksingq” Baij Bonjsaeh

桂林：儿童“百姓大舞台”展才艺

Dujva hoengzrwgrwg, cietlwgnyez angqyangz. Vihliux hawj gyoengq lwgnyez vaiqvued gvaq aen cietlwgnyez ndeu, Gveilinz Si Gveilinz “Daizfoux Beksingq” youq ngoenz cietlwgnyez daeuj daengz gaxgonq, vih gyoengq lwgnyez banh le aen hozdung vaiqvued ndeu. Gyoengq lwgnyez angq comz youq gwnz “daizfoux beksingq”, doenggvaq ciengq go diuq foux daeuj gangjlwnh gij saeh sim’ angq swheij, baijyienj bonjsaeh swheij. Mizmbang lwgnyez lij youq gwnz daizfoux baijyienj gij hagsib cingzci ndei swheij hawj bohme haeuq lauxsae yawj dem.

Dahnij heuhguh Cai Yingz ndeu bineix 11 bi, de diuq fouxdwkzienz, fouxlahdingh ak raixcaix, gyoengqvunz yawj le bouxboux cungj yaengx mehfwngz haenhndei.

(Sinhvazse)

Lungzswng: Ciet Nungzgwng Vwnzva Yinx Bouxhek

龙胜：农耕文化节引客来

6 nyied 1 hauh, Lungzswng Gak Cuz Swciyen Bingzanh Mbanjuengh gawjbanh Ciet Nungzgwng Vwnzvacez.

Mwh geij fanh gaemfeiz laebdaeb diemj rongh, bienqbaenz diuz sienq valoeg gyaundeide gwnz gaiq man haenx, dawz nazmbaeklae Lungzciz cang ndaej gyaundeide dangqmaz. Diuzde sikhaek youh bienqbaenz aen funghgingj gyaundeide “gouj lungz haj guk” ndeu.

Ngoenzde, lij guh le Bouxcuengh haqlwg couxbawx fungcingz、Nazmbaeklae Lungzciz hai geng、go foux yenzswngdai Bouxcuengh、dinfwngz dajsiuq Bouxcuengh daengj baijyienj byaujyenj, yinx daeuj gyoengq bouxyouz ndaw guek rog guek daeuj yawj.

(Mungz Yinzlungz)

